

صاحب امتیازی :  
شهیندرزاده فلبه‌لی  
امیر صامی

اداره و تحریر محلی

جفال اوغلی جاده‌سندده دائره مخصوصه در .  
مخابرات صاحب امتیاز ایله جریان ایتمه‌لی در .  
نشری تاریخندن اون کون یکمیش نسخه‌لر  
ایکی غروشددر



شرائط اشتراك :

برسته‌لکی ۹۵ آلتی آیانی ۵۴ پوسته اتحادینه  
داخل ممالك اجنبیه ایچون قرق  
فرانقدر

اداره مدیری فلبه‌لی  
محمدذهنی

اعلان ایچون اداره مدیری  
محمدذهنی بکه مراجعت ایدیلیر .

یکی بازار سنجاغنده

یکی بازار سنجاغنده اون ایکی ییک کیشیلک بر صرب اردوسیه قارداغیلرک برلشمه سی تصویر حقه ده هیچ بریکی خبر آلیناماش ایسه ده عثمانیلرک متیقض بولوندیغه شبهه یوقدر .

\*\*\*

کرک ویانه دن کلن خبرلرده ، کرک اوستریاسفیرینک خارجیه ناظر مزله سبق ایدن ملاقاتندن ترشح ایده بیان روایتلرده ، اوستریا حکومتی طرفندن یکی بازار سنجاغنک عثمانلی دلاورلری طرفندن صرب تجاویزه قارشى حسن محافظه ایدلمی ارزوسی اظهار اولمقده در .

\*\*\*

کیاست می ؟ شیطنت می ؟

بولغارلرک احتیاطی

بوصباحه قدر ، بولغارلرجه ، چته قلیقلی دکل عسکرجه تجاویز آکدیران بر حرکت کورولمه مشدر . حتی وارد اولان بر تلغرافه کوره بولغارلر ، طمراش حدودنده کی بشیوز قدر عسکرینی کری چکمشدر . دوغریسی یا ، شو حرکت ، اگر براضطرار کیزله میورسه ، آکلاشیماز برشیدر . معهود نوطه بی ویردکن صوکر محاربه اعلانی پک طبیعی وعادتا ضروری ایدی . بوراسنی بولغارلرک آکلاماماسی ممکنسر اولدیغندن بورجعتیه بر معنا ویره میورز . احتمال که بولغارلرک نواقصی ، ظن و تخمینمزلده فوقده در .

\*\*\*

سفیرلر نه وقت کیده جک

عثمانلی سفراسنه ، درسه اده عودت ایچون امر ویرلدیکی معلومدر . بولغار ، صرب و یونان سفیرلرینک اده حالا حکومتلرندن حرکت امری آمادقلرینی رفقامز یازیور . بزه قالیرسه سفیرلر ، دها برهفته اول بوباید لازم کلن امر و تعلیماتی آلمشدر . بوراده تمدید اقامتلی مینی مینی بر سیاست مانوورسه سی در . مع مافیه سفیرلر . قرغولمائی بکلیمیه جکلرندن یارین انفکا کلری محقق صاییلور .

\*\*\*

یونان بزه اعلان حرب ایتدی می ؟

بزجه ، اوت . کریدی میعوتلری مجلس میعوانه قبول ایتدیکی دقیقه دن اعتباراً یونانستان بزه اعلان حرب ایتمش صاییلر . بنابرین یونان سفیرینک بوملکسته حالا نه ایش اولدیغه و یونانلیرک نهیه دفع ایدلمدیکنه اظهار تعجب ایده بیلیز .

\*\*\*

انکلتزه دوناماسی

بعض روایات

انکلتزه دوناماسنک مالطه دن بحر سفید اقسام شمایه سنه ، اطهرلر دکزیه دوغری حرکتی یونانستانده عظیم برهیجان وحدت اوپاندیره مشدر . بوباید مختلف روایتلر دوران ایدیورسه ده بزجه ظن مقبول ، انکلیز دوناماسنک اطهرلر دکزنده بولونماسی ، یونان بحری پروغرامنی عقیم براقش اولماسی در .

یونانلیر ، قارادن بویوک برشی امید ایتدکلرندن بر حرکت مجنونانه ایله اطهرله صالدرمق واورالرده اغتشاش چیقارمق املنده ایدیلر .

بوقهرمانانغه قالیقشمالری سببی ایسه ایتالیا ایله هنوز حال حربده بولونماز ، ودوناماسنک دیگر طرفلرده مشغول بولونمائی ایدی .

\*\*\*

حکومتدن راستر حائمز

حاکمیت پادشاهی آلتده بولونان کرید آطه سی میعوتلرینی مجلس میعوانانه قبول ایدن یونان حکومتیه قارشى آرتق تراکت ابرازینه محل قلامشدر . وطن عثمانی ده کی یونانلیرک الک قیصه برمدته طردینی حکومتدن استرحام ایله رز .

\*\*\*

قاراداغده و صرب حدودلرنده

محاربه دوام ایلیور . الک صوکه آلاجفمز خبرلری دردنجی صحیفه درج ایده جکز .

قاراداغ عسکرینک دون کیجهیه قدر تلفات و مجروحینی ایکی بیکه یاقلاشمش ایدی . محاربه پک خونریزانه ، معنده اولویور . دون کیجه و بوکون محاربه نك دوام ایتدیکی دوشونیلیرسه ، دشمن تلفاتنک براوقدر دها آرتدیغه احتمال ویریلر .

داغلی طوبخیلر

چته محاربه لرنده جسارت و یارارانی منکر اولمایان داغلیلر پک فنا طوبخی درلر . میدان محاربه لرنده دخی ممتاز بر عسکر صاییلمازلر . حال حاضرده داغلیلرک عددی ، چاریشدقلری عثمانلی عددینه پک فائق ایکن مغلوب صاییلورلر .

~~~~~

## شون مجله

خارجیه ناظر مزله ،

اوستریا سفیری نه قونوشمش ؟

لویداوتومانک اخبارینه کوره دون اوستریا سفیری مارغراو باللاویجینی ، خارجیه ناظری نورادونکیان اقدی حضر تلریله کوروشدیکی وقت ، بالقان حکومتلرینک ویردیکی نوطه لک ، باب عالی اوزرنده حصوله کتیردیکی احتساستی اکلامق ایسته مشدر . بوندن ماعد صربلرک یکی بازار سنجاغنی اشغال ایتک حقه ده کی تصورلری ده مصاحبهیه موضوع اولمشدر .

بالقان حکومتلری نوطه نك باب عالیجه ناصل احساسات حصوله کتیردیکنی سیله مزسه لده عثمانلی کولکلرنده پک متضاد ایکی حس ابداع ایله مشدر . بریسی حقلی برانفعالدرکه بونی آنحق بولغارلری ده ده لری کی خاک ذلتده کورمکه تسکین ایده جکز . دیگرى عبرتدرکه کوجوک بر قومک شو مجاسرتندن اورنک آلاق فیابعد حقمزی دها بویوک بروضوحله آرامازه سبب اولاجقدر .

~~~~~

بولغارستان انکلتزه دن

مظاهرت دیله نیور

انکلیز افکار عمومی سی و بویوک جریده لری ، شو صوکه کشمکشلرده تماماً حقلی اولان عثمانلیر

لهنده در . لکن قوجه بر ایمپراطورلقده حسیاته قاییلارق حق کورمه نیلرکده بولونمائی طبیعی دکلی در . ایشه راد یقال فرقه سی منسوبینندن «ده یلی- نیوز» غزته سی بوقیلدندر .

بولغار صو برانیسه سی رئیس دقتور دانف بوغزته نك صوفیه بخبرینه بیانات آتیه ده بولونارق انکلیز لک مظاهرتی دینمشدر :

« بولغارلر ، الهک موجودیتیه ناصل اینسانیور- لسه ، انکلیزلرک مظاهرتنه ده اوصورتله ایناتمشدر . بولغارلر ، اصیل انکلتزه دن یالکز بی طرفلق دکل ، اوروپادولتلرینی اطرافنده جمع ایده رک بالقان اقوامنک مختلرینه برختمه ویرمه سی بکلیورلردی ! »

مجنونلر ! اوچ بحق بولغارلرک خاطری ایچون انکلتزه نك حقانیتی و انسانیتی و حق کندی شرف و منفعتی آیاقلر آلتیه آلاق ظن ایدیورلر مش .

زمان زمانه اویماز . ای سرسم دانف ! اللهمزه یمین ایده رزکه بوندن صوکر بز سزدن ، یکرمی سنه ده محو ایتدی ککز بر ملیون مسلمان قانتک حساسینی صوراجفز . بز ، همیز ، بوتون مسلمانلر ، حقک حضورنده ، مدنیتک حضورنده : ای آلاق وحشیلر بر ملیون مسلمان نه اولدی ؟ او مسلمانلرکه سزک اجدادکزک حیاتنه ، دینه ، ملیته حمایت کوسترنلرک اخفادی در .

~~~~~

کامل پاشا - موسیو کیرس

روسیه سفیری موسیو کیرس ، بوصباح شورای دولت رئیس کامل پاشا حضر تلرینی قوناقلرنده زیارت ایتیه سی و مسائل مهمه حقه ده مداوله افکار اولونمائی مقرر ایدی . سفیر جنابلرینک بعده باب عالی به عزیمتله خارجیه ناظرینی ده زیارت ایده جکی محتملدر .

~~~~~

روسیه حکومتی ،

قاراداغک تخصیصاتی کسمش

پترسبورغ ۱۴ — ترکیایه اعلان حرب ایده رک اطاعتسنک کوستردیکی ایچون ، روسیه حکومتی ، قاراداغه تخصیص ایتدیکی ایکی یحق میلیون فرانقلق مبلنی آرتق قطع ایتدیکنی قرال نیکیتیه بیلدرمشدر .

[ لوید ]

~~~~~

ایتالیا مصالحه سی

وبرلین ده افکار

لویده کلن خصوصی برتاغرافنامه ده ، بالقان محاربه سنک موضعی اولماسنه پک زیاده چایشان آلمانیا محافل سیاسی سی ، ایتالیا مصالحه سنک انقطاع مذاکراتی احتماللرندن زیاده متأثر اولمشدر .

دورت حکومتله محاربهیه مجبوریت کورولن شو زمانه ، ایتالیا نك یکیدن مخاصماته ابتداری ، وضعیتی اغیرلاشدیراجغندن اندیشه ایدیلور .

~~~~~

کوپریلیده

کوپریلیده اهالی اسلامیه طرفندن بلغارلرک قل اولنسنه دائر دوران ایدن شایعه لک کاملاً صحندن عاری اولدیغنی تحقیقات عمیقهمزه استناداً بیان ایدرز .